

叙萬氏幼科源流

粵自先祖有醫章人以幼科鳴第一世蚤卒
先考菊軒翁孤繼其志而述之成化庚子客於羅
娶先妣陳氏生不肖乃家焉其術大行遠近聞而
誦之萬氏小兒科云為貳世羅有鉅儒張玉泉胡
柳溪講明律曆史綱之學翁知全可教命從游於
夫子之門而學焉頗得其傳翁卒矣顧其幼科之
不明不行也前無作者雖美弗彰後無述者雖盛
弗傳不肖之責也故予暇日自求家世相傳之緒
散失者集之缺畧者補之繁蕪者刪之錯誤者訂

之書成名育嬰家秘以遺子孫為三世惜乎有子
十人未有能而行之者其書已流傳於荆襄閩洛
吳越之間莫不曰此萬氏家傳小兒科也余切念
之治病者法也主治者意也擇法而不精徒法也
語意而不詳徒意也法愈煩而意無補於世不如
無書又著幼科發揮以明之者發明育嬰家秘之
遺意也吾不明後世君子必有明之者不與諸子
恐其不能明不能行○氏之澤未及肆世而斬矣
與門人者苟能如尹公他得庾公之斯而教之則
授受得人夫子之道不墜若陳相雖周孔之道亦

新失其傳也諸賢勗之哉

卷之五

羅田齊齋萬金編著

漢陽錫謂張伯琛撰

男恹齋張坦撰

車曰水凡腫自上起者

此問者是也勉問

新刊萬氏秘傳幼科發揮卷之下

羅田密齋萬全編著

漢陽鶴涓張伯琮校定

男恪齋張坦議正訛刻

○腫

腫自下起者因

于凡

腫自下起者因

于濕

腫有二經云面腫曰風足腫曰水凡腫自上起者皆因於風治在肺宜發散之所謂開鬼門者是也鬼門汗孔也參蘇飲合五皮湯主之腫自下起者因於腎虛宜滲利之所謂潔淨府是利其小便也故仲景云治濕不利小便非其治也宜五

苓散加防已槁榔主之

有一身盡腫者宜胃苓五皮湯主之經鬱則折之謂

上下分消以去其濕發汗利小便此方是小兒者胃

苓九煎五皮湯送下

胃苓丸此予家傳十三方也

蒼朮

泔浸

厚朴

陳皮

猪苓

澤瀉

白朮

茯苓

各一兩

甘草

官桂

草薢仁

各三錢

為末水麴丸麻子大米

飲下此小兒常用之藥隨病換引

先翁治小兒腫只用胃苓丸正方順取長流水入燈

心煎湯送下每日午時用五加皮煎湯抱兒於房內
無風去浴之浴罷上床睡令一覺以薄被蓋之得微
汗佳如是腫消而止未有不効者

五皮湯

桑白皮

陳皮

生姜皮

茯苓皮

大腹皮

水煎

經紀萬邦瑞女二十七歲病腫甚異寅後午前上半
身腫午後丑前下半身腫上下盡消惟牝戶腫小便
難諸醫不能治請予治之予曰經云身半以上天之
陽也宜發其汗使清陽出上竅也身半以下地之陰

厥陰肝經之脉且

可起于足上環陰

器

也宜利小便使濁陰出下竅也正上下分消以去其
濕之法唯半夜陰戶腫不得小便此又當從肝經求
之蓋厥陰肝經之脉丑時起於足上環陰器又肝病
者則大小便難用胃苓五皮湯發汗利小便也內有
茯苓所以伐腎肝之邪木得桂而枯又以辛散其肝
經之水以溫腎之真寒溫也連服十一劑而腫盡消
去矣

予奉先翁之教凡腫微者只用胃苓丸本方治之如
面腫甚者胃苓丸本方內加紫蘇葉二錢苦葶藶一
錢隔紙炒以去肺經之風足腫甚者本方內加漢防

已二錢牽牛炒取頭末一錢共為丸燈心煎湯下吾
有一二人不守先訓專用葶藶牽牛為治腫之藥隨
消隨腫殺兒甚多累吾之德雖禁之不能阻也
湖廣右布政使孫隆慶丁卯入場監試為書經禮
記總裁有小姐病留全司中調理小姐誤食菱角傷
脾面腫而喘夫人憂之命全進藥全立一方用錢氏
異攻散加藿香葉以去脾經之濕紫蘇葉以去肺經
之風一劑而安場罷後公出見其方謂全曰此方甚
好取筆札令舍人孫環書記之
小兒病嗽病瘡病瘡後腫者皆虛腫也

如受風雨水濕之氣而腫者實腫也通用胃苓丸主之此家傳之法也
小兒諸腫不問虛實並用胃苓丸五皮湯主之此家傳也
如因喘嗽面目浮腫者宜消腫葶藶丸主之
如瘡後遍身浮腫者此因瘡發之後外中風邪內傷冷水得之宜胃苓丸用長流水順取入燈心煎湯送下更如日午浴之法如前
如無他病浮腫者視其腫起之處治之如自面起上半身先腫者此風腫也宜五皮湯加紫蘇葉防風主

之如從足起下半身先腫者此濕腫也宜五苓散防已木通主之

如腫久不消氣實能食者宜利其水商陸胃苓丸主之

腎者水之根濕則傷腎小兒久坐湿地者多此疾

如氣弱食少者只以補脾為主脾屬土土能勝水脾

強則水去而腫消矣宜參苓平胃散加藿香葉紫蘇

葉木香砂仁為丸服之

有腎虛者安腎丸服之

有面目俱黃遍身俱黃且腫者此黃腫也宜胃苓丸

加茵陳服之

如黃而不腫者此疸證也觀其色之明黯如黃而色

鮮明小便色黃且澀者此熱也宜三黃金花丸主之

如黃色昏黯小便不利者此濕也宜茵陳五苓散主

之

安腎丸 大腫不消腎虛不納也

川烏炮去皮 桂心各一兩 白茯苓 白朮

石斛酒炒 白蒺藜炒去刺 巴戟天 從蓉酒洗

故紙炒 桃仁微炒去皮尖 萆薢各三兩

右為末煉蜜為丸芡實大每一丸鹽湯下

胃苓五皮湯

治腫要藥

平胃

五苓

前方見

右剉取長流水燈心煎服

商陸胃苓丸

病腫氣壯能食者宜此治之謂苑陳

莖潔淨府也

右共為末水煮麵丸麻子大每服五十丸至三十

丸止大便後快又服衰其半而止

一兒瘡後腫用胃苓丸長流水煎燈心湯下又用浴

法調理二十日而安

一兒病腫有庸醫假專門之名不守家傳之法嘗稱

得異人之術用牽牛葶藶為治腫方之神藥作散服

刀斗發軍卷之下

腫

五

見履堂

之元氣下陷肚大坐不得臥陰囊腫大莖長而卷予
見之嘆曰脾土已敗肝木獨旺乃賊邪也不可治矣
果死

一兒病腫腹大彼自庸醫妄談五日消一分乃取繩
子圍其腹量之授以牽牛葶蘆服之利下數行腫減
十分之三父母甚喜約至五日再消三分未三日又
大腫較大如前庸醫聞之走去病勢益甚而死
一義子十五歲病疸面目俱黃予問之對曰傷食起
腹中大熱又痛乃立一方用黃蘗枝子等黃減半
以退其熱猪苓澤瀉茯苓蒼朮等分以去其濕枳實

實脹

按之重宜消導

厚朴神麴以去其食積茵陳蒿倍用以去其黃共為
細末酒糊丸車前子煎湯下三日後吐去黃水二碗
許胃中不熱又二日泄三行腹中不痛十日以後小
便漸清黃亦減矣此一段在疸門

○ 脹病

○ 實

○ 半

○ 夏

脹病有二屬虛者多實者少東垣錢氏等從虛治內
經云太陽從濕謂寒濕也作熱治者誤矣當以脈證
辨之實脹者或因食積或因癖塊先有物在胃腸中
而後脹形於外也按之則堅宜消導以去之不可攻
之攻之愈虛不可治矣宜胃苓丸主之

正振
之軟扣之有聲
宜溫補

虛脹者或因吐瀉瘡痢之後脾胃久傷而病此虛氣
在於膜盲之外其外雖脹其中無物按之則濡扣之
有聲不可外攻攻之即死宜用溫補錢氏加減異攻
散作丸服之
人參 白朮 枳實 厚朴 陳皮 半夏曲
青皮 黃連 木香 丁香 藿香葉
姜汁炒 錢五分
右共為末神曲糊丸麻子大炒陳米湯下因於熱
者必口乾飲水神識不清無時譫妄宜三黃丸河
間涼膈散仍作膽導法

河間涼膈散

連喬一錢

黃芩二分五厘

薄荷葉三分 枝子仁三分

甘草

大黃

朴硝各五分

右用水一鐘竹葉五片煎臨熟入蜜一匙去渣溫服

因於宿食者必惡食吞酸腹中時痛宜三黃枳朮丸方見後木香檳榔丸主之

因於積者腹中陣痛丁香脾積丸主之

小兒腹脹與大人不同多因傷食得之宜胃苓丸合

丹溪保和丸主之